

SANITÉ: La doturia Grete Mahlknecht é demez chinescdé dai 11 ai 29 de jügn y vëgn sostituida dal dotur Eduard Agreiter 0474 523 315 o 333 13 80 852.

PLOANIES SAN MARTIN Y LUNGIARÜ

Orar da d'isté dles mësses a Oies:

dedolönesc, dedemesaledema y jöbia dales 20.00
vëndres, sabeda y domënia dales 16.00

Invit ala oraziun de Taizé sö Oies en vëndres, ai 15 de jügn, dales 20.00.

L'Ofize Diozejan por Matrimone y Familia inviëia al convëgn "Amoris Laetitia - La ligrëza dl amur: L'aventöra familia", en dedolönesc ai 12 de jügn dales 18.00 ales 21.00, tl salf dles conferënzes dl Zënter Pastoral a Balsan. Do le salut dl Vëscö gnarál presenté la statistica söles families de Südtirol. Dedö tignará le prof. Roman A. Siebenrock da Desproch n referat dal titul "Familie als Berufung: ein ebenso wunderbares wie verletzbares Versprechen". Cunclujiun cun n pice renfrësch y cun la poscibilité de discusciun.

SAN MARTIN

Siur Iaco cun le Consëi de Cöra rengraziëia dër bel duc chi che á tut pert ala prozesciun y chi che á daidé y contribuí a n bun garaté. Dilan!

Sön la plata internet dla ploania é n valgünes fotografies dla prozesciun da odëi: <http://www.valbadiaonline.it/comunite/ploanies/ploanies/ploania-smartin.html>

La prozesciun ex voto söLa Crusc vëgn tignida en domënia, ai 17 de jügn.

LUNGIARÜ

I ti dijun bel dilan a chës tröpes porsones che é gnüdes a lavé la dljia!!

I Jogn da Lungiarü inviëia incö domënia, sciöche usanza, da tó pert ala festa dl Cör de Gejú, y da sëra dales 19.00 inant ves aspetará na buna grilliada.

La Uniun di Seniors da San Martin y Antermëia invëia a na grilliada a Longiarü en jöbia, ai 14 de jügn, dales 12.30. Dala fermada dla coriera a Lungiarü cina ite dal post olach'al vëgn fat la grilliada é n sorvisc de trasport. I cosc vëgn surantuc dala Uniun. Prëibel prenotesse cina ai 11 de jügn pro Loise Kirchlner 329 13 98 721 o pro Alfred Ploner 333 36 54 786. Gnide tröc!

Curs de döes sères „Lauré l'urt y arjigné ca produc te na manira sana“ en dedolönesc, ai 12 de jügn, y en jöbia, ai 14 de jügn dales 18.00 ales 19.30 a San Martin. Al curs pó tó pert cina 10 partezipanc. Informaziuns y prenotaziuns pro Margareth 339 31 15 679; Le curs vëgn tigní da Martin Pramstaller y é organisé dala Uniun Ères San Martin.

En jöbia ai 14 de jügn 2018 dales 15.30 ales 17.30 s'incunta indô le grup de tëmp lède Atmosfera por ères y èi atocá da problems psichics tl Raiun Sozial Val Badia a Picolin. En chësc iade modelunse arjila y lasciun lèdia nosta fantasia. Al sará ince indô tëmp por s'la cunté y sté adöm cun Irina Tavella y Barbara Rungger. Informaziuns plü monüdes pro Sabine Rainer tel. 0474 524 519. Vignun/öna é bëgnngüs y é dër bel inviá/des.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194


10.06. – 17.06.18 nr. 28

ultimo termo por comunicaziuns: jöbia dales 20.00
radio: 90,40 / 93,70

FESTA DL CÖR DE GEJÚ – B

Vangele do Jan19,31-37

Canch' ai ê rovà da Gejú y â odü ch'al ê bele mort,
ne ti ài nia rot les iames,
mo un di soldas ti à ficé la lanza tl costá
y atira é l'rogorü fora sanch y ega.
Y chël che à odü chësc,
à dè testimonianza,
y süa testimonianza é vëi.
Al sa ch'al cunta cí che é vëi,
ch'i cherdëise ince os.
Deache chësc é sozedü, por che la
parora dla Scritöra s'adempliss:
An ne dess ti rumpì degun ôs.
Y te n ater post dij la Scritöra:
Ai ciararà sön chël che ai à traficé.




Tla plaia dl costá de Gejú vëiga la Dljia bele da impröma insö süa fontana. Ara nes inviëia da ti ciaré ince ales plaies de nüsc tëmpe, ales porsecuziuns di cristians, ales plaies dles catastrofes y dles veres y ales ferides fisiches y psichiches che la jënt se fej un al ater.

Les plaies pó ester doioses, mo ares pó ince porté pro a na maiú sensibilité y maturité. La Dljia ará dagnora da nen fá cun ferides. Mo sc'i sun bugn da se daurí y da diventé sensibli, pó les ferides nes condüje a na maiú atenziun y dediziun defrunt ai feris ch'i incuntun.

Gejú, les iames rotes di ladrunes nes chërda imënt tan de speranzes rotes ia. Delujiuns nes pó architè y paralisé. Mo l'odlada sön tüa plaia nes dëida da odëi les ferides ch'i nes fajun un al ater. Ara nes dëida ince da ne ignoré nia la soferënza ch'i incuntun tla realté, mo da la trasformé te ocajiuns de sensibilité, de dediziun y de amur. Deura ince mi cör a chësta atenziun y a ci ch'i pó fá te mia vita!

	SAN MARTIN	LUNGIARÜ
10.06.18 FESTA DL CÖR DE GEJÚ	9.00 Adoraziun al Cör de Gejú 9.30 Mëssa solëna por la comunité Consacr. dla Ploania al Cör de Gejú (pater Franz Senfter da Oies)	8.15 Mëssa solëna por la comunité cun prozesciun eucaristica cun 2 vangeli Consacr. dla Ploania al Cör de Gejú
11.06.18 Lönesc <i>Barnaba apostul, Paula</i>		
12.06.18 Dedolönesc <i>Hildegard Burjan, Leo</i>	19.30 Mëssa + + + Angel, Maria y Alfred Zingerle + + Flöss, Diamant	
13.06.18 Dedemesaledema <i>Antone da Padua</i>	19.00 Prozesciun a Picolin dailó Mëssa en onur de S. Antone + Cristina Verginer Conrater + + Hermann y Zilia Prousch + + Pedevilla, Ju	7.30 Mëssa a d'intenziun de rengraziament por Monica Costa
14.06.18 Jöbia <i>Meinrad, Fortunat</i>	7.30 Mëssa families Dejaco, Ju + Milio Flöss Corona por vocaziuns	
15.06.18 Vëndres <i>Vitus (Vi), Germana</i>	8.00 Mëssa de conclujiun dl ann de scora + Maria Tavella Vanzi + Bino Pedevilla 18.30 Adoraziun chîta 19.00 Adoraziun deboriada	9.30 Mëssa de conclujiun dl ann de scora dl ann + Filomena Clara + + Dapoz, Cargá
16.06.18 Sabeda <i>Benno, Iustina</i>	15.30 Mëssa tla Ciasa de Palsa 18.30 Mëssa prefestia + Giovanni Pescoller + Paul Vantsch + Lena Costabiei Moling	20.00 Mëssa prefestia fam. Berto Clara + + Casper y Lidia Clara
17.06.18 11^a DOMËNIA – Ann B	9.00 Corona 9.30 Gran Mëssa por la comunité y benedisciun dl tēmp 11.00 Bato de Daniel Coradazzi	7.55 Corona 8.15 Gran Mëssa por la comunité y benedisciun dl tēmp 15.00 Corona tla capela de S. Ujöp Fr.



*Tö es la fontana dl amur.
Dásse val' de to amur.
I orun ti al scinché a nüsc vijins.
I orun ti al dé inant a tüa creaziun.
Cun les mans plënes
orunse le partí fora te döt le monn.
Sce te nes al das nia,
resta nostes mans ötes
y nosc cör frëit.
Partësc to amur cun nos
y nos sarun contënc,
i te laldarun y te dijarun dilan,
tö che t'os bun dagnora.
Amen.*

